



# SCERT NEWS LETTER

Email : [scertmizoram@gmail.com](mailto:scertmizoram@gmail.com)

Visit us at: <http://www.scert.mizoram.gov.in>

Vol. VII Issue No.12 DECEMBER, 2020 SCERT MIZORAM (Private Circulation)

**Lalngaizuali Ralte**  
Editor



**Board of Editors :**  
*Laldawngliani Chawngthu*  
*Lalduhawmi Thomte*  
*P.C.Lalrintluanga*  
*Vanlalhruaii*  
*R.Lalbiakdiki*



## Editorial

### Covid karah KRISMAS

*Kumin chu Covid-in min tibuai kumtluan dawn a ang ta hle mai. Kan Ruby Jubilee pawh lawm hlei thei lovin kan awm, a paw hle mai. Hei Krismas pawh kan hnaih leh ta, Krismas lam i'n hawi tan teh ang aw !*

*Covid karah Krismas hman turin rilru i siam ang u. Kumdang angin thuamnaw leh thilthar dang ngaihtuah hleih theih pawh a nih hmel loh e. Mahse, Krismas chu a ngai reng dawn si. Heti hian i ngaihtuah ang u.*



- 1) Isua piang tur khan Khualbuk an chang ve lo, ran chaw pekna thleng a chang a ni. Keini pawhin khawng kan piantir ve leh dawn le ?*
- 2) Harsatna tam tak kara chhandamtu khan a pian a thulh lova, Pathian, Mari leh Josefa khan nau pian kha an thulhtir chuang lo. A remchang lai tal an zawng. Harsatna karah, hripui karah keini pawhin kan thilung bawnginah tal i piantir ang u.*
- 3) Hun harsatna leh Covid chauh thlir lovin Berampu leh mifingte ang khan harsatna tam tak karah Naupiang chauh i thlir ang u.*

## ALTERNATIVE ACADEMIC CALENDAR

Kum 2020 zet chu COVID -19 vangin khawvel a buai hle mai a, thil reng reng tih dan phung leh nih an phung pangngai a awm thei lo a ni ber.2020 kum chung zawng chu zirna in zawng zawng khar a ni a, zirna in hawn theih loh avang hian COVID -19 chu zirna in leh zirna hi a tuar ber pawl a ni ngei ang. Kum thar 2021-ah erawh chuan zirna in te chu hawn theih beisei a ni a, amaherawh chu he hri hi engchen chiah nge a la cham dawn hriat theih a nih loh avangin thil sawi lawk theih erawh a ni lo.

He hripui leng karah hian zirna zawng zawng chawlhthir thuap hi sorkar pawhin tha a ti lo a, theih ang anga On-Line a naupangte zirtirna kalpui tura tih a ni. School thenkhat leh hmun thenkhatah internet lam a chak tawk loh avang te, smart phone neih remchan loh avang te leh harsatna dang dang awm vangin tih tak taka kalpui vek thei school erawh a tam thei lo niin a lang.

Heng hun harsa tak karah hian SCERT chuan sorkar hriatpuinain naupangten in lama an zirlai an lo zir chhonzawm theih dan tur kawng a buatsaih a, chu chu **Alternative Academic Calendar** tih a ni. Kar 4 chhung hman tur duan phawt a ni a, chumi hnuah thla thum chung hman tura duan leh a ni. Hetah hian zirlaibu chung atanga an zirchhuah ngei ngei tur **'Learning Outcomes'** duan milin zirlaite in lama nuam ti taka an tih tur activities chi hrang hrang dah a ni. Heng Alternative Academic Calendar a tih tur te hi CCE in a tarlan naupangte assessment a Activities 20% atan khan hman tur a ni ang.



**ACTIVITIES DURING THE MONTH****TEACHER EDUCATION**

14th December -17th December, 2020 chungin NCERT buatsaih Capacity Building Program on Qualitative Research Methodology for Academic Faculty of NCERT and SCERTs online a training turin Pi Ruth Rosangpuii chu thlan a ni.

**WORLD DISABLED DAY**

Khawvel pum a kan hman thin, kan hlut em em World Disabled Day 3rd December kan lo thleng leh ta der mai. Hripui avangin duh angin kuminah kan hmang thei ta lo va, Rualbanlo te ngaihsaka an dinhmun hriat thiamna thar nen he ni hi mahni awmna theuhah hlim takin hmang ila, Rualbanlote hian khawngaih ai chuan Hrethiamtu an mamoh zok , tuna an dinhmun aia tha zawk a, an din theih nan nang leh keini hi an tan malsawmna kan ni thei tih i hre nawn leh ang u.

**NTSE 2020-21**

National Talent Search Examination (NTSE) 2020-21 chu ni 12.12.2020 khan District Headquarter tinah neih a ni a, kumin hian Covid19 avangin naupang exam an tlem hle a. Lawngtlai District-ah phei chuan Lockdown a ngaih avangin exam a theih loh a ni.

Hetieng hi district hrang hrang atanga exam dan a ni.

Aizawl District	56	Lunglei District	17	Mamit District	41
Saiha District	13	Champhai District	46		
Kolasib District	43	Serchhip District	15	TOTAL	231

State Examination hi District tina Principal DIETs ten an buaipui a ni a. State Level a tling te hi National Level-ah exam hi an nei leh dawn a ni.

**ADVANCE KRISMAS**

Ni 18 December, 2020 khan SCERT chuan kumin chungna Pathian hruaina kan dawn avanga lawmthu sawina neih pahin Advance Christmas hlim takin kan hmang a, Programme zawhah chawhlui kil ho nghal a ni.

**PENSION**

Dt. 30h Dec. 2020 kan thawhpui te Pi Lalrinthiangi Assistant leh Pi Lalsangpuii UDC ten Superannuation Pension a min lo chhuahsan dawn tak avangin an mahni thlahna program chu Auditorium ah neih a ni.



Thlahna hun hi Pi Vanlaldiki Sailo Jt Director in kaihruaiin Pu Rorelkima SEO in tawngtai sakna a

nei a, thlahna thilpek hi Department aiawhin Pi Lalmuanpuii Ralte leh Pi Lalnunmawii Hmar ten an hlan. Pension te thlahna thuchah hi Directorin a sawi hnuah thawhpui te mi engemaw zatin thlahna thu leh ui thu an sawiin kan thawhpui te hi kan ngaiin kan ui dawn hle a, Pension thlenga thawk theia hriselna leh damna an nei hi kan lawmpui em em bawk.

Pi Lalrinthiangi hian kum 1980 January thlaah Sorkar hnaah lut tannin kum 1995 atanga a pension ni 31.12.2020 thleng hian SCERT ah hian a thawk a, kum 40 zet Sorkar hna hi a thawk a ni.

Pi Lalsangpuii hian kum 1985-ah sorkar hna thawk tanin SCERT ah hian a lut a, a thawh tirh atanga a pension thleng hian SCERT ah hian a thawk a, kum 36 chung zet sorkar tan rinawm takin a thawk a ni.

## The Global Teacher Prize 2020 dawnngu Ranjitsinh Disale



**The Global Teacher Prize** hi Varkey Foundation-in kum tina a pek thin a ni a. Zirtirtu an hna thawhnaa thawh hlawk leh titha chungchuangete hnena pek thin a ni. Kum 2014 atanga pek tan niin khawvel pum atangin he lawmman dawng tur zirtirtu tha leh thawh hlawkte thlan chhuah thin a ni. Kumin 2020-ah hian he lawmman dawng thei tura ngaih zirtirtu 12000 thlan chhuah an ni.

He lawmman ropui tak dawng tur hian Ranjitsinh Disale, kum 32 mi, Maharashtra-a Solapur district-a thingtlang khua, Paritewadi-a Zilla Parishad Primary school zirtirtu chu 3 December, 2020 khan puan a ni. **Global Teacher Prize 2020** chuan Ranjitsinh Disale hi **'Most Exceptional Teacher'**-ah a puang a. He lawmman hian US Dollar maktaduai khat (Rs. 7.4 crore) a keng a ni. He lawmman a dawn chanve hi lawmman dawng ve ta lo titha zual sawm thlan chhuah zinga pakua hnenah a inzata a a pek ve tur thu Disale hian sawi.

"He lawmman hi ka dawng a ni mai thei mahse keimah chauhin khawvel hi ka tidanglam thei lo. Ranjitsinh Disale hian amah chauha a tih theih loh avangin mi dang lo tel ve turin a duh a ni" tiin Ranjitsinh Disale hian a lawmman dawn US dollar maktaduai khat atanga a chanve chu lawmman dawng ve ta lo titha zual sawm thlan chhuah zinga pakua hnenah a inzata a sem ve tur chungchanga an zawnha chhangin amah ang zirtirtu, naupangte hmalam hun atana ngaihtuahna hmangtute tanpuitu tur 'Teacher Innovation Fund' atan hman a ni ang tiin a sawi.

An school building chu a rawp tawh hle a, class I atanga class IV thleng awmin zirlai 110 vel leh zirtirtu 5 an awm bawk a. Chu school atang chuan Disale hian hmeichhe naupangten lehkha an zir ve theihna turin nasa takin a thawk a, thil la tih ngai loh, zirlaiten an zirlai puitu tur internet-a video lecture, assignment, thawnthu, poem, etc an hman tangkai theih nan QR Code hmangin textbook leh internet a thlunzawm a. Heng a hnathawh avang hian an school-ah chuan zirlai school kal lo an awm ngai lo a, hmeichhia naupang kum tling lova pasal an neihtir thin te pawh chu khuaah chuan a awm ta miah lo a ni.

Maharashtra sorkar chuan Disale hnathawh hi tha a tih em avangin kum 2017 khan an state-a school textbook zawng zawngah QR Code dah vek turin a ti a. Chumi hnu kum 2018-ah Ministry of Human Resource Development (MHRD) chuan NCERT textbook zawng zawngah QR Code dah turin a ti ve leh ta a ni. He a hnathawh ropui tak avang hian Mizorama elementary school-te pawhin energized textbook (QR Code awmna) changkang tak kan lo hmang ve thei ta a ni.

Tun hi Ranjitsinh Disale khawvelin a hriat vawikhatna a ni lo a. Microsoft chuan **'Microsoft Innovative Educator Expert'**-ah a tawh a, kum 2018 khan National Innovation Foundation **'Innovator of the Year'**-ah a lo puang tawh bawk a ni.

***I am working for outcomes, not income. I just want to create a world of tomorrow - Ranjitsinh Disale***



**TUTORIAL CLASSES FOR  
ELEMENTARY & SECONDARY SCHOOL STUDENTS**

**ZONET : 2:00 PM, DDK : 3:05 PM, LPS : 4:00 PM**

DATE	SUBJECT	TOPIC
2.11.2020	Class IX (Chem)	Types of mixture
3.11.2020	Class IX (Chem)	Separating techniques
4.11.2020	Class IX (Chem)	Methods of expressing solutions Atoms
5.11.2020	Class IX (Chem)	Laws of chemical combination
6.11.2020	Class IX (Chem)	Molecules
7.11.2020	Class IX (Chem)	Writing a chemical formula
9.11.2020	Class XII (Chem)	Alcohol Preparation 1– 4
10.11.2020	Class XII (Chem)	Alcohol Preparation 5 & 6 and Chemical Properties
11.11.2020	Class XII (Math)	Continuity
12.11.2020	Class XII (Math)	Differentiability
13.11.2020	Class IX (Chem)	Atoms & Molecules
14.11.2020	Class IX (English)	Narration (Grammar)
16.11.2020	Class IX (Chem)	<b>Molecular mass and mole concept</b>
17.11.2020	Class IX (Chem)	The models explaining the structure of atom Electrons in different shells and valency
18.11.2020	Class IX (Chem)	Atomic number and mass number Isotopes and Isobars
19.11.2020	Class IX (Phy)	Thrust and Pressure
20.11.2020	Class IX (Phy)	Relative Density
21.11.2020	Class IX (Phy)	Archimedes' Principle
23. 11.2020	Class IX (Physics)	<b>Pressure in fluids (Chapter 3)</b>
24.11.2020	Class IX (Physics)	Work and Energy (Chapter 4)
25.11.2020	Class IX (English)	Life (Poetry)
26.11.2020	Class XII (Chemistry)	Haloalkane and Haloarenes Chemical Properties-1
27.11.2020	Class XII (Chemistry)	Haloalkane and Haloarenes Chemical Properties-1 & 2
28.11.2020	Class XII (Chemistry)	Alcohol Chemical Properties

**LIBRARY UPDATE**

*No. of New Books added in the Library* : 48 books  
*No. of books issued* : 7 books  
*No. of visitors* : 11